



Te Tira Tiaki
Government Communications
Security Bureau



Te Pā Whakamarumarū
New Zealand Security
Intelligence Service

E lē iloa lava e tutusa oe ma i matou

**Taofi le taumatemate
o galuega fai a le NZIC**



O ā itu tāua e tatau ona ou manatunatu i ai a o lei faia se talosaga/amata ona galue iinei?

E tutusa lava matou ma isi falefaigaluega, ae iai eseese ga autu:

- **Talanoa i le nofoaga e te galue ai:** matou te lē tala'i solo le nofoaga tonu matou te galulue ai. E mafai ona e faailoa i tagata e te faatuatuaina e pulea ma le faaeteete faamatalaga. E pei o nisi o lou aiga/ uo tou te mafana ma ē mamae. Ae e lē mafai ona e ta'ua i ai mea uma o loo e faia.
- **Foliga o le falefaigaluega:** e lē talaia pupuni i le aso atoa. E puipuia ai tagata faigaluega ma faamatalaga o lo o matou faagaioia.
- **Galue mai le fale:** o se vaega tele o le aufaigaluega e moomia le galulue mai le ofisa. E faalagolago lou faigaluega mai le fale, i le ituaiga galuega o lo o e faatinoa. Fesili i le sa'oga tonu o le vaega lea i le amataga o le faafaigaluega ai o oe.
- **Femalagaiga faavaomalo:** faailoa muamua mai au fuafuaga, a o lei faatonuina sau faigamalaga i se isi atunuu. E talafeagai ma sa'o ai se fautuaga ma le lagolagosua matou te faia mo oe.
- **Fesootaiga televavave:** e lē taofia au fesootaiga televavave, ae faaeteete i mea o loo e faaso atu. O se tulaga talafeagai lea mo lou saogalemu, faapea au paaga i le galuega, ma lou aiga. Matou te lē faia ni faasalalauga e uiga ia matou galuega i luga o matou itulau patino. E aofia ai ma le LinkedIn.

O ā ituaiga lagolagosua ua saunia mo le afaigaluega a le GCSB ma le NZSIS?



E tele vaega toalaiti o le afaigaluega ma vaega e fesootai e lagolagoina le afaigaluega. E le taofia ai le amata faatulaga e le afaigaluega o nisi vaega fou pe a mananao ai.



E tele lagolagosua mo le soifua manuia ua matou saunia e taulai i le soifua manuia atoa o le tagata.



Faamata e mafai na ou ta'u i lo'u aiga le mea ou te faigaluega ai?

loe, pe afai e te mana'o ai. Tau lava o tagata e te faatuatuaina e le soona faia faamatalaga e iloa ai le mea e te galue ai. O se tulaga talafeagai lea mo lou saogalemu, faapea au paaga i le galuega ma lou aiga. E talosagaina lou faautauta lelei po o ai tagata e te faailoa i ai.

E le mafai ona toe faafoi mai sau tala na fai. Ma e te lē iloa po o ai tagata ua latou faailoa i ai. Atonu o se mitamitaga faivavale na mafua ai lou faailoa ma le lē iloa le aafiaga i tua mai.



Faamata o le a ou pelogia lo'u aiga i la'u galuega?

E leai. Ae e lē mafai ona e faailoa i ai mea uma o lau galuega, tagata tou te faigaluega, ma isi.

O le ā sa'u tala e fai i a'u [paaga sa matou galulue/uo/paaga i le galuega] e uiga i la'u galuega fou?

E fautua atu oe i lau tala e fai pe a e faatalosagaina se avanoa faigaluega.

E iai se faaletonu - o lo'u faailoa i tagata na faatalanoa a'u mo se avanoa faigaluega i le GCSB/NZSIS/NZIC? Faamata e afaina ai se faamaoniga tau puipuiga?

Leai, e le o se mea fou le fai o se talosaga ma faatalanoa se avanoa faigaluega. E le toe ta'ua lava e se isi, pe afai e te le toe faia sau tala i ai.

A toe fai ane ona e fai lea i ai e te lei maua le galuega po o le amata fau sau tali e fai - tagai i tali tusia i le itulau 7.



Na tãpã lo'u faailoa o tagata e avea ma a'u molimau faamaonia mo la'u talosaga. O le ã sa'u tala e fai i tagata nei?

Ta'u le mea moni i soo se tagata o aafia i lau talosaga. Na o le ta'u i ai o mea e tatau ona latou silafia.

E mafai ona e faapea atu i ã o fai ma au:

- Molimau faamaonia mo se galuega
“Sa fai la'u talosaga mo se avanoa fou i le matagaluega a le malo (po o galuega tau leoleoga). E fesootai atu le vaega o tau sailia tagata faigaluega mo sau molimau.”

- Molimau faamaonia
“E moomia se faamaoniga tau puipuiga o le galuega fou na o'u faatalosagaina. O tulaga e masani ai le tele o galuega a le malo. Na talosagaina a'u e faailoa igoa o tagata e iloa lelei a'u, ma na tau ai lo'u mafaufau ia te oe. E lafo atu se pepa faatumu o fesili e faatatau ia te a'u. O tulaga e masani ai mo faamaoniga tau puipuiga.”



Ua talosagaina le faaaoga o la'u taitai o le galuega o iai nei e fai ma a'u molimau, ae ou te le manao na te iloa la'u galuega ua maua/o sue sa'u galuega fou - pe mafai ona sui tulaga i se isi taitai mai sa'u galuega tuai po o se isi tagata?

E fetai lelei, pe afai o lou taitai o iai i le taimi nei. E maua mai ai se tala sa'o o lou tomai ma le agavaa o iai nei.

E iai tulaga e le fetai ai se taitai o iai i le taimi nei. Afai o lea, talanoa i le vaega o tau sailia se galuega mo oe. E iloa lelei le faiga sili mo oe. E mafai ona e fesootai i ai i le careers@nzic.govt.nz.



O le ā le faagasologa o se faamaoniga tau puipuiga?

E lua vaega o le faagasologa o se faamaoniga tau puipuiga: faamatalaga e fai i luga o le initaneti, po o se faatalanoaga e auai tino ai. E fesili i talaaga o lou soifuaga e malamalama lelei ai i lou ituaiga tagata. O fesili e faatatau i lou aiga, faiā

ma tagata ma lou toalua, vaega e te fesootai i ai, tulaga tau tupe, vaipanoa e te nofo ai, atunuu na e malaga i ai, ma isi fesili i lou ituaiga tagata. O faamatalaga uma nei e fua i ai se faaiuga e tusa ma lou agavaa ai mo se faamaoniga tau puipuiga.



Aisea e moomia ai le mau faamatalaga e faatatau ia te a'u? O ā mea e faaaogā i ai faamatalaga e patino ia te a'u?

E talafeagai fesili, e ui i tulaga peiseai o suesueina ai lou tagata moni. E mafai ai ona matou iloa ni tulaga e te ono lamatia gofie ai ma auala e mafai ona matou lagolago ma puipuia oe.

O soo se faamatalaga e te faailoa mai e tausiona ma e le faalauaiteleina e le Vetting Team. E le mafai e lau taitai fou ona maua faamatalaga nei.

O le ā sa'u tala e fai i a'u molimau faamaonia mo sa'u faamaoniga tau puipuiga? Ae o le ā se tala e fai e a'u molimau faamaonia i isi tagata ua latou fautuaina e fai ma molimau?

Fai sa'o i ai, ae tau lava na o mea e tataua ona latou silafia. E mafai ona e faapea atu *"E moomia se faamaoniga tau puipuiga o le galuega fou na ou faatalosagaina. O tulaga e masani ai le tele o galuega a le malo. Na talosagaina a'u e faailoa igoa o tagata e iloa lelei a'u, ma na tau ai lo'u*

mafaufau ia te oe. E lafo atu se pepa faatumu e tali ai le mau fesili e faatatau ia te a'u. O tulaga e masani ai mo faamaoniga tau puipuiga. A talosagaina lou faailoa o nisi e fai ma a'u molimau faamaonia, na e faailoa lea iai o le mea lava na ou fai atu ai."



E tatau ona atoa le 15 tausaga o se masaniga ma a'u molimau mo se faamaoniga tau puipuiga?

Leai. E lelei le atoa o le lua tausaga o se masaniga ma lau taitai o le galuega ma paaga i le galuega. E lelei

le atoa o le lima tausaga o se masaniga ma au fesootaiga/uo o fai ma au molimau faamaonia.

Faamata e afaina se faamaoniga tau puipuiga - pe afai o iai se faamaoniga o se soligatulafono a se isi o lo'u aiga o fai ma a'u molimau faamaonia?

Leai. Atonu o se avanoa lea e tatau ai ona matou faaopoopo isi puipuiga, faiga e faaitiitia, ma le lagolagosua mo oe.



Faamata e afaina se faamaoniga tau puipuiga – i sa’u faamaoniga faaletulafono o se soligatulafono / aafia i se feteenaiga faaletulafono / tagofia o fualaau faasaina?

E le faia ai. E eseese talaaga ma tomai o tagata uma. E mafai ona iloa le ata manino o tulaga o fetaiai ma oe a o faagasolo le faiga mo se faamaoniga tau puipuiga. O le mea taua lou faamaoni e faailoa uma mai tulaga

faapenei. E moomia ona matou talatala auala e faataunuu ai le faaopoopo o isi puipuiga, faiga e faaitiitia, ma le lagolagosua mo oe pe afai ua maua sau faamaoniga tau puipuiga.

Faamata e afaina lo’u maua o se faamaoniga tau puipuiga ona o se faaletonu i le mafaufau po o le ese o le faagaioiga o mea e lo’u mafaufau?

O le tele o tulaga faapenei, e le taofia ai fua lou maua o se faamaoniga tau puipuiga. E tāua lou faailoa i le Vetting Officer o faamatalaga uma ina

ia matou malamalama lelei i tulaga o fetaiai ma oe. Matou te faia le lagolagosua sili na fetaii ma oe, pe a faamanuiaina lou maua o se galuega.



Faamata e mafai pea ona ou maua se faamaoniga tau puipuiga, pe afai na ou nofo i atunuu mamao, po o a'u o se tagatanuu mai atunuu XYZ?

E le taofia le faafaigaluegaina o oe pe afai na e nofo i atunuu mamao po o le talosaga mai se isi atunuu. E 15 tausaga le mamao i tua e suesue i ai talaaga o lou

tagata. E le mafai ona e maua nei lava se faamaoniga tau puipuiga, pe afai e le mafai ona matou faia le tulaga lea. Talanoa mai pe afai o iai se popolega i le tulaga lea.



E faapefea ona fai se faatalanoaga e faamaonia ai lo'u agavaa?

E mafai ona e auai tino po o se fesootaiga faainitaneti. E tele fesili e faatalanoaina ma e iloilo foi au tali na tuuina mai i luga o le initaneti.

O le a mafai ona matou faailoa atu le isi laasaga i tua atu o se faatalanoaga mo se galuega.



O le ā le umi o se faatalanoaga e faamaonia ai lo'u agavaa?

E faalagolago ia te oe ma lou talaaga. Pe ā ma le 1.5 i le 3+ itula.

E faapefea ona ou tapenapena mo se faamaoniga o lo'u agavaa i se faatalanoaga e fai?

Aua le faamamafa tele i lou mafaufau. Ia e to'a lelei, tali sa'o, ma manatua e leai ma se tagata na soifua mai e aunoa ma se talaaga. E leai se mea e fou i le faalogo a le Vetting Officer.

E le o se tau lamalama po o iai se mea o e musu e faailoa, pe a faatalanoa se

faamaoniga o lou ituaiga tagata. O se avanoa e saoloto ai lau talanoa i le soifuaga na tauasaina mai, ma faasoā mai tulaga o lou soifuaga. E tausisia agatapuia uma o mea na e faailoa, ma e tāua tele le puipui i tulaga e patino ia te oe.



BEYOND ORDINARY

Careers

Tagai i le beyondordinary.nzic.govt.nz
mo nisi faamatalaga

E iai se fesili?

Faafesootai le careers@nzic.govt.nz



Te Kāwanatanga o Aotearoa
New Zealand Government